



Broj: 02-05-20964-1/15  
Sarajevo, 23.07.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **13. sjednici održanoj 23.07.2015. godine**, donijela je sljedeći

## **ZAKLJUČAK**

1. Utvrđuje se Prijedlog zakona o izmjenama Zakona o upotrebi grba i zastave Kantona Sarajevo.
2. Predlaže se Skupštini Kantona Sarajevo da donese zakon iz tačke 1. ovog Zaključka po skraćenom postupku, u skladu sa članom 158. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13).

**PREMIJER**

**Elmedin Konaković**

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Ministarstvo finansija
6. Evidencija
7. Arhiva



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387 (0) 33 562-068, 562-070  
Fax: + 387 (0) 33 562-211  
Sarajevo, Reisa Džemaludina Čauševića 1



BOSNA I HERCEGOVINA  
FEDERACIJA BOSNA I HERCEGOVINE  
KANTON SARAJEVO  
VLADA

**ZAKON**  
**O IZMJENAMA ZAKONA O UPOTREBI GRBA I ZASTAVE**  
**KANTONA SARAJEVO**  
**(Prijedlog)**

Nosilac izrade:

Ministarstvo pravde i  
uprave Kantona Sarajevo

Sarajevo, juli 2015. godine

Na osnovu člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96 - Ispravka, 3/96, 16/97, 14/00, 4/01, 28/04 i 6/13), Skupština Kantona Sarajevo, na \_\_\_\_\_ sjednici održanoj \_\_\_\_\_ 2015. godine, donijela je

(PRIJEDLOG)

## **ZAKON O IZMJENAMA ZAKONA O UPOTREBI GRBA I ZASTAVE KANTONA SARAJEVO**

### Član 1.

U Zakonu o upotrebi grba i zastave Kantona Sarajevo („Službene novine Kantona Sarajevo“, broj 3/09-Prečišćeni tekst), u članu 19. u stavu 1. riječi: „od 1.500 do 7.500 KM“ zamjenjuju se riječima: „**od 2.000,00 do 10.000,00 KM**“.

U stavu 2. riječi: „od 300 do 750 KM“ zamjenjuju se riječima: „od **500,00KM** do **1.000,00 KM**.“

U stavu 3. riječi: „od 300 do 750 KM“ zamjenjuju se riječima: „od **500,00KM** do **1.000,00 KM**.“

### Član 2.

U članu 20. u stavu 1. riječi: „od 1.000 do 5.000 KM“ zamjenjuju se riječima: „od **1.000,00 KM** do **6.000,00 KM**“, a u st. 2. i 3. riječi: „od 200 do 500 KM“ zamjenjuju se riječima: „od **500,00 KM** do **1.000,00 KM**“.

### Član 3.

U članu 21. u stavu 1. riječi: „od 300 do 750 kaznit će se fizičko lice-obrtnik“ zamjenjuju se riječima: „od **350,00 KM** do **1.000,00 KM** kaznit će se osoba koja obavlja samostalnu poslovnu djelatnost - obrt“, a u stavu 2. riječi: „od 100 do 400 KM“, zamjenjuju se riječima: „od **150,00 KM** do **500,00 KM**“.

### Član 4.

Ovaj zakon stupa na snagu osmog dana od dana objavljivanja u „Službenim novinama Kantona Sarajevo“.

Broj \_\_\_\_\_

Sarajevo, \_\_\_\_\_

PREDSJEDAVAJUĆI  
SKUPŠTINE KANTONA SARAJEVO

Sejo Bukva

# O B R A Z L O Ž E N J E

## PRAVNI OSNOV

Pravni osnov za donošenje ovog zakona sadržan je u odredbama člana 18. tačka b) Ustava Kantona Sarajevo, kojima je propisana zakonodavna nadležnost Skupštine.

## RAZLOZI DONOŠENJA

Razlog donošenja Zakona o izmjenama Zakona o upotrebi grba i zastave Kantona Sarajevo nalaze se u potrebi usklađivanja odredaba ovog zakona sa odredbama **Zakona o prekršajima** ("Službene novine FBiH", broj 63/14).

Novim **Zakonom o prekršajima** ("Službene novine FBiH", broj 63/14), propisana je obaveza da se odredbe propisa kojima se regulira visina novčanih kazni u prekršajnom postupku usklade sa odredbama ovog zakona u roku šest mjeseci od dana stupanja na snagu ovog zakona (zakon je stupio na snagu 14.08.2014. godine).

Dakle, navedenoj obavezi usaglašavanja podliježe i ovaj kantonalni zakon iz kojih razloga se i vrše ove izmjene zakona.

Kako su prekršajne kazne propisane kantonalnim zakonom i drugim kantonalnim propisima prihod budžeta Kantona Sarajevo, a kako nisu mijenjane od donošenja prethodnog federalnog Zakona o prekršajima iz 2006. godine, neophodno je izvršiti navedeno usklađivanje.

Federalnim Zakonom o prekršajima novčane kazne povećane su i do šest puta, ali vodeći računa o ukupnoj kaznenoj politici u prekršajnom postupku u Kantonu Sarajevo i njeno predstojeće usklađivanje, smatramo da je predložena visina kazni po ovom zakonu primjerena značaju oblasti koja je regulisana, te je u granicama raspona propisanog odredbama člana 22. stav (5) Zakona o prekršajima.

## PRAVNA RJEŠENJA

**Član 1.** – U članu 19. Zakona predlaže se povećanje raspona novčanih kazni za upotrebu grba i zastave Kantona Sarajevo suprotno sadržini i obliku propisanom ovim zakonom, zatim ako upotrijebi grb ili zastavu Kantona kao znak za obilježavanje robe ili usluga, ako se grb i zastava Kantona upotrijebi u slobodnom umjetničkom stvaralaštvu ili odgojno-nastavnoj svrsi na način da vrijeđa ugled i dostojanstvo Kantona, ako se na javnom mjestu upotrijebi grba ili zastava koji su oštećeni ili su svojim izgledom nepodobni za upotrebu ili ako upotrijebi grb ili istakne zastavu Kantona suprotno odredbama ovog zakona.

**Član 2.** – U članu 20. Zakona predlaže se povećanje raspona novčanih kazni za nepostivanje odredbe da se grb i zastava Kantona ističu na teritoriji Kantona zajedno s drugim domaćim ili stranim grbom, odnosno zastavom, grb odnosno zastava Kantona stavlja se na počasno mjesto, odnosno:

- u sredini kruga, sprijeda gledano, ako su drugi grbovi i amblemi poredani u krug,
- u sredini polukruga sprijeda gledano, ako su drugi grbovi i amblemi poredani u polukrug,
- na čelu kolone, ako su drugi grbovi i amblemi poredani u koloni,
- na čelu grupe drugih grbova, ako su grbovi poredani u grupe,
- na desnoj strani, sprijeda gledano, od grba strane države ili međunarodne organizacije, koji se ističe u centru, osim u slučajevima zvaničnih posjeta državnih ili međunarodnih organizacija.

**Član 3.** – U članu 21. predlaže se povećanje raspona novčane kazne koja se može izreći osobi koja obavlja samostalnu poslovnu djelatnost - obrt za prekršaje iz člana 19. stav 1. ovog zakona, odnosno fizičkom licu za prekršaje iz člana 19. stav 1. tač. 1., 2., 3. i 4. ovog zakona.

**Član 4.** – Utvrđuje se rok za stupanje na snagu ovog zakona.

**NAČIN DONOŠENJA ZAKONA**

Predlaže se donošenje ovog zakona po skraćenom postupku, u skladu sa članom 158. Poslovnika Skupštine (“Službene novine Kantona Sarajevo”, broj 41/12-Drugi novi prečišćeni tekst i br. 15/13 i 47/13), jer nije složen i obiman zakon.

**POTREBNA FINANSIJSKA SREDSTVA**

Za provođenje ovog zakona nije potrebno obezbijediti sredstva u Budžetu Kantona Sarajevo.



**KANTON SARAJEVO**  
Ured za zakonodavstvo  
Vlade Kantona Sarajevo

**CANTON SARAJEVO**  
Office for legislature of Sarajevo Canton  
Government

Broj: 09-02-18872/15  
Sarajevo, 03.07.2015. godine

KANTON SARAJEVO  
MINISTARSTVO PRAVDE I UPRAVE

**PREDMET: Stručno mišljenje na prijedlog Zakona o izmjenama  
Zakona o upotrebi grba i zastave Kantona Sarajevo.-**

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Prečišćeni tekst) i čl. 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 21/11-Novi prečišćeni tekst, 30/11-Ispravka i 23/15), Ured za zakonodavstvo Vlade Kantona Sarajevo, daje slijedeće

**MIŠLJENJE**

1. Prijedlog Zakona o izmjenama Zakona o upotrebi grba i zastave Kantona Sarajevo je usklađen sa odredbama Zakona o prekršajima ("Službene novine Federacije Bosne i Hercegovine", broj: 63/14), te u tom smislu Ured za zakonodavstvo Vlade Kantona Sarajevo nema primjedbi na dostavljeni tekst prijedloga ovog Zakona.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 21/11-Novi prečišćeni tekst i broj: 30/11-Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



SEKRETAR

Ahmed Ljubović, dipl.pravnik



web: <http://uz.ks.gov.ba>  
e-mail: [ured@ks.gov.ba](mailto:ured@ks.gov.ba)  
Tel/fax: + 387 (0) 33 560-448  
Sarajevo, Hamida Dizdara 1



1205

Bosna i Hercegovina  
Federacija Bosne i Hercegovine  
**KANTON SARAJEVO**  
Ministarstvo finansija



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Finance

12-07-2015

04/11

Broj: 08-01-02-18873/15 L.E.  
Sarajevo, 29. 06. 2015. godine

**Ministarstvo pravde i uprave**  
**- O v d j e -**

**PREDMET: Mišljenje na Prijedlog zakona o izmjenama Zakona o upotrebi grba i zastave Kantona Sarajevo**

U skladu sa odredbama člana 13. Zakona o organizaciji i djelokrugu organa uprave i upravnih organizacija Kantona Sarajevo („Službene novine Kantona Sarajevo“ br. 2/12-Prečišćeni tekst, 41/12 i 08/15) i člana 3. stav (4) Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, br. 21/11-Novi prečišćeni tekst i 30/11-Ispravka), Ministarstvo finansija razmotrilo je Prijedlog navedenog zakona i daje slijedeće

**MIŠLJENJE**

Prijedlog zakona o izmjenama Zakona o upotrebi grba i zastave Kantona Sarajevo nije u suprotnosti sa finansijskim propisima, te kako za implementaciju ovog Zakona nije potrebno obezbijediti dodatna sredstva u Budžetu Kantona Sarajevo, to Ministarstvo finansija nema primjedbi na ovaj Prijedlog zakona.



**MINISTAR**

*Jasmin Halebić*  
**Prof. dr. Jasmin Halebić**



*Stjepan*

web: <http://mf.ks.gov.ba>  
e-mail: [mf@mf.ks.gov.ba](mailto:mf@mf.ks.gov.ba)  
Tel: + 387 (0) 33 565-005, Cent.+ 387 (0) 33 565-000  
Fax: + 387 (0) 33 565-052 i 565-048  
Sarajevo, Maršala Tita 62



## **PRILOZI**

### **ODREDBE KOJE SE MIJENJAJU I DOPUNJUJU:**

#### **Zakon o upotrebi grba i zastave Kantona Sarajevo („Službene novine Kantona Sarajevo“, broj 3/09 – Prečišćeni tekst)**

##### *Član 19.*

*Novčanom kaznom u iznosu od 1.500 do 7.500 KM kaznit će se za prekršaj pravno lice ako:*

- 1. upotrijebi grb ili zastavu Kantona u obliku i sadržaju suprotno odredbama člana 5. ovog Zakona,*
- 2. upotrijebi grb ili zastavu Kantona kao znak za obilježavanje robe ili usluga (član 7.),*
- 3. upotrijebi grb ili zastavu Kantona suprotno uslovima iz člana 8. ovog Zakona,*
- 4. ako na javnom mjestu upotrijebi grb ili zastavu Kantona koji su oštećeni ili su svojim izgledom nepodobni za upotrebu (član 9.),*
- 5. ako upotrijebi grb ili istakne zastavu Kantona suprotno odredbama čl. 4, 12. i 15. ovog Zakona.*

*Za prekršaj iz prethodnog stava kaznit će se i odgovorno lice u pravnom licu, novčanom kaznom u iznosu od 300 do 750 KM.*

*Za prekršaj iz stava 1. ovog člana kaznit će se i odgovorno lice u kantonalnom organu uprave i drugom kantonalnom organu, odnosno organu Grada Sarajeva i općine sa teritorije Kantona, novčanom kaznom u iznosu od 300 do 750 KM.*

##### *Član 20.*

*Novčanom kaznom od 1.000 do 5.000 KM kaznit će se za prekršaj pravno lice ako ne upotrijebi grb odnosno ne istakne zastavu Kantona u skladu s odredbama čl. 10. i 13. ovog Zakona.*

*Za prekršaj iz prethodnog stava kaznit će se i odgovorno lice u pravnom licu, novčanom kaznom u iznosu od 200 do 500 KM.*

*Za prekršaj iz stava 1. ovog člana kaznit će se i odgovorno lice u kantonalnom organu uprave i drugom kantonalnom organu, odnosno organu Grada Sarajeva i općine sa teritorije Kantona, novčanom kaznom u iznosu od 200 do 500 KM.*

##### *Član 21.*

*Za prekršaj iz člana 19. stav 1. ovog Zakona novčanom kaznom u iznosu od 300 do 750 kaznit će se fizičko lice-obrtnik.*

*Za prekršaj iz člana 19. stav 1. tač. 1., 2., 3. i 4. ovog Zakona kaznit će se fizičko lice novčanom kaznom u iznosu od 100 do 400 KM.*

## **VAŽEĆI**

### **Zakon o prekršajima**

**(„Službene novine Federacije BiH“, broj 63/14)**

##### *Član 22. stav (5)*

*Novčana kazna*

*(1)Novčana kazna može se propisati u određenom rasponu ili u fiksnom iznosu.*



- (2) Za prekršaje iz oblasti poreza, carina, finansija, zaštite okoliša i koncesija, radnih odnosa i zaštite na radu novčane kazne mogu se propisati u višestrukom iznosu ili kao procenat porezne, carinske, finansijske ili koncesijske obaveze koja je trebala biti plaćena, ili kao procenat ili višestruki iznos vrijednosti robe koja je predmet prekršaja, ali ne u iznosu većem od 200.000,00 KM.
- (3) Kada zakon određuje raspon u visini novčane kazne za određeni prekršaj sud će odrediti visinu kazne uzimajući u obzir sve olakšavajuće i otežavajuće okolnosti uključujući, ali ne ograničavajući se na težinu prekršaja i njegove posljedice, stepen odgovornosti okrivljenog, uvid u evidenciju o njegovim prethodnim prekršajima, njegovu finansijsku situaciju, kao i da li je iskazao kajanje.
- (4) Novčana kazna za fizičko lice ne može se propisati u iznosu nižem od 30,00 KM, za odgovornu osobu u pravnom licu u iznosu nižem od 50,00 KM, za pravno lice u iznosu nižem od 500,00 KM, a -za osobu koja obavlja samostalnu poslovnu djelatnost - obrt u iznosu nižem od 100,00 KM.
- (5) Za prekršaj propisan zakonom novčana kazna može se propisati za fizičko lice do 10.000,00 KM, za odgovornu osobu u pravnom licu do 20.000,00 KM, a za pravno lice do 200.000,00 KM.**
- (6) Za prekršaj koji počini osoba koja obavlja samostalnu poslovnu djelatnost - obrt zakonom se može propisati novčana kazna do 20.000,00 KM.**
- (7) Za prekršaj propisan uredbom ili odlukom vlade, odlukom gradskog ili općinskog vijeća novčana kazna može se propisati za fizičko lice do 3.000,00 KM, za odgovornu osobu u pravnom licu do 5.000,00 KM, za pravno lice do 10.000,00 KM, a za osobu koja obavlja samostalnu poslovnu djelatnost - obrt u iznosu do 6.000,00 KM.

#### Član 113.

##### Prestanak važenja Zakona

- (1) Danom stupanja na snagu ovog zakona prestaje važiti Zakon o prekršajima Federacije Bosne i Hercegovine ("Službene novine Federacije BiH", br. 31/06 i 37/10).
- (2) U slučaju da su drugi zakoni u Federaciji u suprotnosti sa ovim zakonom primjenjivat će se ovaj zakon.
- (3) U postupku za oduzimanje imovinske koristi pribavljene prekršajem primjenjivat će se odgovarajuće odredbe posebnog propisa koji uređuje oduzimanje imovinske koristi.
- (4) Odredbe propisa kojima se regulira visina novčanih kazni u prekršajnom postupku uskladit će se sa odredbama ovog zakona u roku šest mjeseci od dana stupanja na snagu ovog zakona.**

### PRETHODNI

#### Zakon o prekršajima u Federaciji BiH

("Službene novine Federacije BiH", broj 31/06)

#### Član 11.

##### Novčana kazna

- (1) Novčana kazna se može propisati u određenom rasponu ili u fiksnom iznosu.
- (2) Za prekršaje iz oblasti poreza i carina, novčane kazne se mogu propisati u višestrukom iznosu ili kao procenat poreske ili carinske obaveze koja je trebala biti plaćena, ili kao procenat ili višestruki iznos vrijednosti robe koja je predmet prekršaja, ali ne u iznosu većem od 50.000,00 KM.

- (3) Kada zakon određuje raspon u visini novčane kazne za određeni prekršaj, sud će odrediti visinu kazne uzimajući u obzir sve olakšavajuće i otežavajuće okolnosti, uključujući, ali ne ograničavajući se na težinu prekršaja i njegove posljedice, stepen odgovornosti okrivljenog, uvid u evidenciju o njegovim prethodnim prekršajima, njegovu finansijsku situaciju, kao i da li je iskazao kajanje.
- (4) Novčana kazna za fizičko lice ne može se propisati u iznosu nižem od 20,00 KM, za odgovorno lice u pravnom licu u iznosu nižem od 50,00 KM, a za pravno lice u iznosu nižem od 500,00 KM.
- (5) **Za prekršaj propisan zakonom novčana kazna se može propisati za fizičko lice u iznosu do 1.500,00 KM, za odgovorno lice u pravnom licu u iznosu do 3.000,00 KM, a za pravno lice u iznosu do 15.000,00 KM.**
- (6) Za prekršaj propisan odlukom ili uredbom Vlade, odlukom gradskog ili opštinskog vijeća, novčana kazna se može propisati za fizičko lice u iznosu do 1.000,00 KM, za odgovorno lice u pravnom licu u iznosu do 2.000,00 KM, a za pravno lice u iznosu do 7.000,00 KM.